


**Agangan  
Naebunit  
Kotoma Akuju**



# AGANGAN NAEBUNIT KOTOMA AKUJU

“Agangan Naebunit Kotoma Akuju” erai atukonokineta nukikokoron nuejaas toma atu tube ta nuegelegela kotoma o Baibuli. Eyunit eoŋ ebe akiro kere nuelemitai erai Ebaibuli elopet.

Akirot naka edeke ebunit kotoma akuju, aigang itauon lueriebi etengei, kaluejakit akure kanukadolit. Arai kitoronikin etunganan, kosac aroniske, enyarauni ŋes Ejakait Yesu Kristo aiboi kotauke, i do i yuun ŋes kotauke ebe Yesu Kristo ŋes Alakunanke. Ebuni Ejakait aitijenikin ŋes, ainun aiyalama kede kainapakin toma otau kaloiyunit.

Abu eoŋ kamisik aijulakinetna kokaru 1937 ido mamu eoŋ abilit aimorikikina kede k'Ejakait ameun apengo. Elipit eoŋ ijo aijaikin akonijaar ŋes kwape eketajaran kon ido Ejakait lolo. Arai mamu ijo iswamat nu.

—Watson Goodman (1920-2002)

# AMINA NAKA EDEKE

Konye iturit Edeke akemin mamawok, naarai nakirokor kirai ikadiakanarak abu Kristo kotwanik oni. —Iromayon 5:8

Kosodi erina edolo epucit loka Aleleŋ, kejeni Yesu ebe adolu ekesawa loenyounio kakwapin kanu alosit mama ejai Papa, kemina ŋesi iketuŋa lukejaas akwapin, komina kes aitodol awasia. —Yokana 13:1

Emamei yenejaas kamin naepol aitelekarit na, ituŋanan ainakin akeijar kanuka ipaperoke. —Yokana 15:13

Ido kama ejai Yesu Kristo, ekajenan lomunot, ekiyai loka ikatwak, ekayaiton da loka ikabakan luka akwapin. Mama ejai ŋol lokimina oni, lokilacuni da kotoma adiakanaretawok kanuka aokotoke. —Apukokinio 1:5

Naarai komina Edeke akwapin kwanata, abu koinak Okokuke loteluna, tetere ŋnituŋanan yeniyuuni ŋes kinye aolior, konye kojaas kaijar naka ikar kere. —Yokana 3:16

Abu EJAKAIT ketakanikin kolosek, ebe, Eebo, kekilakina jo kamin namam edaun; ŋes keriuunia jo kasianut-nakamin. —Yeremia 31:3

# AIJARA NAKA YESU KRISTO

Ido komamei abunokin, epol noi aiyeiyea naka ayonit Edeke: Abu kitodiar kotoma akuan, kitojokai kotoma Omoyo, apotu imalakan koanyut nes, aponi kolimonokinai kotoma atekerin, aponi kiyuunai kotoma akwapin, kodakarai kaju toma aibuses. —1 Timoteo 3:16

Kageunet ajai Akirot, ajai Akirot mama ejai Edeke, korai Akirot Edeke. . . Koraun akirot akuan, kiboiororoi kamawok, . . . ileleba asianut ka abeit. —Yokana 1:1 ka 14

Iswamatai nu kere, tetere edoli akirot naenerit Ejakait kama ka enabi ebe: Koany, epotuuni abekot, idouni ikoku yenisapat, Emaikinete ekekiror Imanuel. (apolouke ebe, Edeke ejai kaoni). —Matayo 1:22, 23

Kirai eoŋ ka Papa ipe. —Yokana 10:30

Kotema Yesu atiar, Ajai lem eoŋ kayes apak naetia nen kere, mam jo da kijeni eoŋ, Pilip? Yenikaanyunit eoŋ, eanyunit Papa; aso biai bo ibalar ijo ebe, Kitodikinai Papa? Mam kereka jo iyuunit ebe ajai eoŋ toma Papa, Papa da tomakan? —Yokana 14:9, 10i

# YESU OKOKU LOKAEDEKE

Arai elimori itunanan ebe Yesu nes Okoku loka Edeke, esali Edeke tomaken, nes da toma Edeke. —1 Yokana 4:15

Koboŋok emalaika nes ebe, Kidoikini jo Emo-  
yo Lokalaunan, kirapiari agogoŋ naka Je loejai  
kuju kakuj; kanuka nun yeneuruunio enyarao  
yenikalaunan, Okoku loka Edeke. —Luka 1:35

Naarai kiwurikinitai oni ikoku, Kiinakinitai  
oni ikoku yenisapat: Ejaenena rwaru airum  
okeperike: Ekekiror da enyarao Lokaumokin,  
Ekapetan akiro, Edeke Lokagogoŋ, Papa lo-  
mam edaun, Ekapolon loka Ainapakin.

—Isaia 9:6

Napekinerar nun, koany, kiteribo kes edou  
loemilia; ido koany, kolom eporoto kotoma  
odou kobala ebe, Lo nes Okokuka lominat,  
loalelakinit noi; kiirasi nes. —Matayo 17:5

... Yesu nes atiar, Iany nes, nes ŋol loineras  
kajo. —Yokana 9:37

Naarai kotomaken (Yesu Kristo) iboie aiteko-  
ro kere naka Eidekeone kakuan. —Ikolosain 2:9

# KITIJENIKIT YESU ONI NGAIBO ÑESI

Kotema kes atiar, Iraas yesi lukokwap, arai eoŋ lokokuju; iraaŋ yesi luka akwapin kanu; mam eoŋ arai loka akwapin kanu. . . . Kotema Yesu kes atiar, Abeit, abeit, katemari yes atiar, Eroko Aburaam ejauna, ajai eoŋ.

—Yokana 8:23 ka 58

Kotema aberu ñes atiar, Ajeni ebe ebunit Mesia (ŋol loenyaritai Kristo); naebunio ñesi kipukokini sio akiro kere.

—Yokana 4:25, 26

Kotema Yesu kes atiar, Arai eoŋ inyamat luka ajar; ñin yenebuni mamakaŋ mam cut eriebi eteŋei, ñin da yenikeyuuni eoŋ mam cut ejakenenei akur.

—Yokana 6:35

Naajaar eoŋ akwapin, arai eoŋ aica naka akwapin.

—Yokana 9:5

Kolimok Yesu kes bobo ebe, Abeit, abeit, katemari yes atiar, arai eoŋ erute loka amerekekin.

—Yokana 10:7

Kotema Yesu ñes atiar, Arai eoŋ ajarun ka ajar da; ñin yenikeyuuni eoŋ, karaida ketwana, ejari.

—Yokana 11:25

Kinyarito eoŋ Ekesisianakinan ka Ejakait da; inerasi yesi kotenan, naarai arai eoŋ kwa-ñin.

—Yokana 13:13

# AUMONOKINETA ACE NUABU YESU KISWAMA

Kicorak ikodeta aiboikin anya; kolem imugatin lukany, ka lukecor luarei, kosesen akuj, kisi-rereŋ, kobilibil imugatin, koinak ikesisiak, koinakis ikesisiak da ikodeta. Konyama kere kimonikinos. Kotukonokinai atutubeta nuabilibila nuasalete iditai itomon ka luarei ileleba. Lukenyamete emwaasi bala ikiliok ilukumin ikany, kilema aŋor ka idwe. —Matayo 14:19-21

Koboŋok Simon kotema atiar, Ejakait, kipou ketaaritos akuare kiya, komam kidumuni idio-bore: konye kanuka akonikirot, acakakini bo iboyan. Kedaut aswam ŋun, kipokata iboro lukecor luipu noi: kokotosi ikeceboyan aŋed. —Luka 5:5, 6

Ido koany, kiboiete imudukiok iarei kariri kerot, nakiirariata kesi ebe itorit Yesu, kiworoto, kotemasi atiar, Kitimoi, Ejakait, Okoku loka Daudi! . . . (Yesu kobala ebe,) Ikotos keswamakis inyo? Kotemasi atiar, Ejakait, kikoto kitwekeny akosikonye. Kitim Yesu kes, kotiro akecekonye, atipet kokwenyut, kotupasi ŋes. —Matayo 20:30 ka 32ii-34

# YESU KRISTO NGES LOKASUBAN KA EJAKAIT

Naarai kotomakenḡ ḡes kesubere iboro kere, luejaas toma akuj, ka luejaas toma akwap, luetakanete ka lumam etakanete, arai iicoloḡo lukajakanuto, arai ijaka, arai ikayaitok, arai lukapolou,—kesubio iboro kere kotomakenḡ ido kanukenḡ. —Ikolosain 1:16

Kesubio iboro kere kanukenḡ; kemamei ḡesi mam kesubi ibore kere yenikesubio. —Yokana 1:3

Edeke . . . konye kapaarasia kanu nukawasia ener kaoni kotoma Okoku, loabu kodakak araun ekeruman loka kere, kanukenḡ da abu kosub akwapisinei. —Iburanian 1:2

Aso kojen ekek kere loka Isirael kabeit ebe etarau Edeke ḡes Ejakait ka Kristo da, ḡes Yesu loipotu kibubukis. —Aswamisio 2:36

Naarai abu Kristo kotwana kojaru da tetere eraun Ejakait loka lukatwak ka lukajarak da. —Iromayon 14:9

Erai Edeke lomunot, lokinyarauni yes alomun oidicane loka Okokuke, Yesu Kristo Ejakaitiwok. —1 Ikorinton 1:9



# YESU KRISTO NGES LOKATUBON KAKERE

Konye jo, kanukinyo itubokinia onacekon? Ijo da, kanukinyo imenitor onacekon? Naarai kibwoi rwaru kere kakonyen nuka eicoloŋ loka aitub loka Edeke. —Iromayon 14:10

Kecorak jo jokan kakonyen nuka Edeke, kakonyen da nuka Kristo Yesu loebuni airabakin ikajarak ka ikatwak da, kanuka atakanunike ka akejakanut. —2 Timoteo 4:1

Naebunio Okoku loka etuŋanan kotoma aibusesuke, ka imalaikan da kere nepepe kaŋes, iboikini oicoloŋoke loka aibuses; etukonokinos atekerin kere akonyeneke, etiakatiakai ŋesi kes kwape etiakatiakaa ekecokon amerekekin ka akinei. —Matayo 25:31, 32

Mam Papa etubokini idiotuŋanan kere akiro, konye ainak Okoku etube kere. —Yokana 5:22

Kapaaran naetubokinia Edeke nukaiyeiyea nuka ituŋa kama ka Yesu Kristo kwape ejaatar Akiro Nukajokak nuketitiŋitai eoŋ.

—Iromayon 2:16

Kicorak sio kalimonokis ituŋa, ka aitejenun da ebe ŋol ŋes lokedakakini Edeke araut ekatubon loka ikajarak ka ikatwak da.

—Aswamisio 10:42

# ALAKUNIO EBUNIT KANEJAI KRISTO

Arai eoŋ erute; arai kitoro ituŋanan mama-kaŋ, itajario, elomari ka alomun, edumuni da erony. —Yokana 10:9

Kotema Yesu atiar, Arai eoŋ erot, ka abeit, ka aijar da; emamei yenebuni mama ejai Papa, dimikito itorit tomakaŋ. —Yokana 14:6

Kanuka ŋun kalimokis yes ebe itwakete kotoma adiaakanaretakus; naarai arai mam iyuunito ebe arai eoŋ, itwakete kotoma adiaakanaretakus. —Yokana 8:24

Kosodi nakedaunia aitodolikinio, korau loeinakini ŋul kere luerimarete ŋes aitajario naka ikar kere. —Iburanian 5:9

Akesianut naeinakini atitai ŋes itojokit kes araut luedolito, kanuka alakunio naejai toma Kristo Yesu. —Iromayon 3:24

Kanuka ŋun ŋes epedoria aitajar cut luepote mama ejai Edeke kotomakeŋ, naarai ebusi ŋesi apaarasia kere apuronokin kes. —Iburanian 7:25

Kwabo emamei aitajar kotoma ece kere: naarai emamei ecekiror kokwap kakuj loeinakinitai ituŋa, loibusakinitor oni aitajario.

—Aswamisio 4:12

# ALAKUNIO EBUNIT KANEJAI KRISTO

Konye kanukenꝑ ijaut yes toma Kristo Yesu, loabu Edeke kituluo awokocoa, ka adolit, ka aitalaunio, ka alakunio da. —1 Ikorinton 1:30

Loabu koinakin bon kanuwok, tetere kilakuni oni kama kepali kere, ka aitalaun kanukenꝑ itunake obe, luekokakinito aswamisio nuejok. —Tito 2:14

Kimalaenenete Papa lokitubusikinit oni aimor kairumet naka lukalaunak kotoma aica. Abu ŋesi kolaku oni alemar kapolou naka amuton, kisibwot alomar ajakanut naka Okokuke lominat. Kija kalakunio kotomakenꝑ, ŋes aisio-  
nio naka adiakanareta. —Ikolosain 1:12-14

Naarai abu Okoku loka etunanan amoot ka aitajar yenikeoliorit. —Luka 19:10

Koyooto ekosio lokitetet, ebe, Ibusakinit ijo alemun eitabo, ka apukor da aipucetake, Naarai aponi koari, kogwelak Edeke kaokotokon ŋiniteker, ka aŋajep, ka itunꝑ, ka ajena. —Apukokinio 5:9

# AITULUCIO NUKAOKOT KA KRISTO

Aso aitelekarit noi kiidau kwana aitojokio kotoma akeokot, kitajario da kanuken alemunio kama ejai anyunyura. —Iromayon 5:9

Kotomaken nes kidumunia alakunio kanuka akeokot, isioniei aibucanaretawok, kwape ejaar abar naka akesianut. —Ipeson 1:7

Naarai nu kes akaokot nuka aitutuket, nuebukoros kanuka ikepuak alemar aronisio. —Matayo 26:28

Kojenete ebe mam aponi kolakun yes kiboro luedaunos, kwape epuesa arai esabu, koponesiokus lutai lukirokunete kama kalukapapaa-kus, dimarai kaokot nuketiai loepol nuka Kristo, kwape nuka imerekek yenemamei anwal, karaida akemer. —1 Petero 1:18, 19

Konye arai kilosenenei kotoma aica, kwape ejaar nesi toma aica, kidicenena bonik ka bonik, ido kitesegarete oni aokot nuka Yesu Okokuke kama kadiakar kere. —1 Yokana 1:7

Itelekarito cama aokot nuka Kristo, lokeinakin bon mama ejai Edeke kotoma Omoyo loka ikar kere, araun asubanit naemamei akemer, itesegarete aomisiokus kaswamisio nukatwak tetere ijaanakinete Edeke lokajaran. —Iburanian 9:14

# AITAJARIO EBUNI KAIYUUN KRISTO

Naarai asianut ñes kitajari yes kanuka aiyuun; kwabo mam kebuni kamakus, ñes ainakinet naka Edeke, mam kebuni kanuka aswamisio, kinyek ituñanan kere aolobobotor.

—Ipeson 2:8, 9

Aso naarai kitojokitai araun luedolito kanuka aiyuun, kajaut kainapakin mama ejai Edeke kanuka Ejakaitiwok Yesu Kristo.—Iromayon 5:1

Naarai kotoma Kristo Yesu mam akepio epe-dori ibore, karaida amamus akepio, dimarai aiyuun naiswamai kanuka amin. —Igalatian 5:6

... Kiyuu Ejakait Yesu, kitajario jo ka lukokalekon kere.

—Aswamisio 16:31

Naarai ñin kere yeneurio kama ejai Edeke ipikori akwapin; na ñes aipikor naipikori akwapin, aiyuuniwok.

—1 Yokana 5:4

Kosodete kotemasi ñes atiar, Kikonakini ai tetere kiswamai aswamisio nuka Edeke? Kobo-ñok Yesu kotema kes atiar, Na ñes aswam naka Edeke, kiyuut ñol lokijukuni ñesi.

—Yokana 6:28, 29

Konye iwadikatai nu tetere iyuunete yesi ebe Yesu ñes Kristo, Okoku loka Edeke, ido kanuka aiyuun ñin kojaut kaijar kokiroriken.

—Yokana 20:31

# AITIM NAKAEDEKE

Naarai kwape ejaar akuj kuju noi akwap, epol kwanjin akeitim mama ejaas lueyonito nes. . . . Konye aitim naka EJAKAIT ejai ameun apaarasia nuno kiton apaarasia kere mama ejaas nul lueyonito nes, akedolit da mama ejaas idwe luka idwe. —Isabulin 103:11, 17

Kituritete Edeke Papa loka Ejakaitiwok Yesu Kristo, Papa loka aitim, Edeke da loka aitalakar kere. —2 Ikorinton 1:3

Inai bo Edeke loiputos kajo, loisioniei numam adolit, loinaci aibucar naka aatonot naka airumeteke? Mam enyunyuranakinenei ikar kere, naarai isiyalamikinit aitim. —Mika 7:18

Naarai epol akoniitim kokuju kakuj, akoniheit da edolit akuj. —Isabulin 108:4

Mam enaji aitim naka EJAKAIT, naarai mam inorari aisionike. Itet ninitupuruc, epol akonimunonut. —Akuudian 3:22, 23

Abu kitajar oni, mere kanuka aswamisio nukiswamat kadolit, dimarai kwape ejaar akeitim, kanuka ailotario naka aurio nakiareit ka aisiteteunio naka Emoyo Lokalaunan. —Tito 3:5

# KINYARIT ONI EDEKE MAMAKENG

Inera EJAKAIT ebe: Kopotu ca do, kenerutu: karaida kereṅak adiaakanaretakus be, ekwanuunete kwape kakile; karaida kireremata kwape kaokot, iliacaunete kwape ka epaaba. —Isaia 1:18

Ebalas Emoyo ka ateran ebe, Bia. Yenepupuni da kobala ebe, Bia. Nin da yenejakit akure kobu; yenekoto kooko atai akipi nuka aijar.

—Apukokinio 22:17

Yesi ba, ṅinidiopet yenejakit akur, kopotu yesi neejaas akip, ṅin da yenemameete apesan: kopotu yesi, kogwela konyama; eebo, kopotu, kogwela ebino ka akile komameete apesan, komamei da etiai.

—Isaia 55:1

Kosodi kapaaran nakawasia naka epucit, ṅes apaaran nakapolon, kobwo Yesu kiworo ebe, Arai kejak ituṅanan akur, kobu mamakanṅ komat.

—Yokana 7:37

Konye nakeanyunia Yesu kokadak noi, kote-ma kes atiar, Kocamutu idwe ludidik abunore mama ajai, sirikisimika kes; naarai lueputos kalu ajakanut naka Edeke erai nakec.

—Marako 10:14

Kopotu neajai, yes kere luitaaritos ka lukila-ṅirikinito, eoṅ da kesiyenuni yes. —Matayo 11:28

# MAMU ITUNGA KERE ERASI IDWE LUKA EDEKE

Kana ñes etakanuniata idwe luka Edeke ka idwe luka Satan; ñin kere yenimam iswamai nukadolit mam erai yenika Edeke, karaida yenimam emin onaceke. —1 Yokana 3:10

Naarai kere luiñarenikinit Emoyo loka Edeke, ñul kes odwe luka Edeke. Naarai mam idumunito emoyo loka ebulesene aboñor bobo akurian, dimarai idumunito emoyo loka araun odwe. Kanuka ñol kimonya ebe, Abba! Papa! —Iromayon 8:14, 15

Tetere iraaas idwe luka Edeke luemamei aitoronet, luyapaara, luemamei akemer koki-diñ katur kanamagul, ka naepaarit, naitakaniata bala aica kotoma akwapin. —Ipilipin 2:15

Kanuka ñun ebala Ejakait ebe, konyoutu kokidiñikec, kotiakas kakes, sirikitirosi ibore yenimam elai; Kesukunyuni eoñ da yes. Ebala Ejakait Lokapedor kere ebe, araun eoñ Papa kamakus, yes da iraunos ikadwe lusap ka lupe-sur. —2 Ikorinton 6:17, 18

Konye ñul kere lukisukunyunete ñes, koinak apedor araut idwe luka Edeke, kes ñul luyuunito ekekiror. —Yokana 1:12



# NUINERA EDEKE KIMATAN KALUEGOGONG

Aso ideleleete aswamisio nuka akuan, kes nupenu: adoteu, asilianut, abenyanut, aima aputosia, ecudet, asurup, epeget, ekokote, anyunyura, aṅolopa, atiakara, irioneta, alilit, emeret, eraṅa, ka nuikote nen da. Kotoma kaṅun kekwenya yes kwape abu kekwenyaritor ebe, luiswamaete nuikote nen mam irumete ajakanut naka Edeke.

—Igalatian 5:19-21

Kalosenenete kebusak kwape paaran, mere kotoma aboliasio ka emeret, mere kotoma adoteu ka abenyanut, mere kotoma aṅolopa ka ekokote, konye konapa Ejakait Yesu Kristo, kwabo siribuakinito akuan aitodol nuimiela.

—Iromayon 13:13, 14

Itukwi ṅul luedilonokinete akwenyun tupuruc, airi nuitemerete; luimododoete aitodol ebai, kisibwaṅarete ajon!

—Isaia 5:11

Siriseseni ajon nueupapanata, kitodias aputokec kotoma adere, najililiarotor. Kokau kitedete bala emun, kiswalarete bala emusaga.

—Awaragasia 23:31, 32

# AMUNOKINA BON MAMU EDAUNIT

Kotema ŋes atiar, Komina Ejakait Ekonide-  
ke kekonitau kere, ka akoniijar kere, ka akoni-  
coa da kere. Na ŋes aicorakinet nakapolon na-  
sodit. —Matayo 22:37, 38

... Ekesisianakinan lokajokan, keswama  
anyoika tetere erumi aijar naka ikar kere? Ko-  
tema Yesu ŋes atiar, Kanukinyo kinyaraaa eoŋ  
lokajokan? Emamei yenikajokan dimarai edio-  
pet, ŋes Edeke. Ijeni aicorakineta ebe, Siriari,  
Siridote, Sirikokoi, Sirisabanakinenei, Sirirodi,  
Koyonitenenei papakon ka totokon. Kotema  
ŋes atiar, Ekesisianakinan, aricit ŋun kere  
ameun keiditeuka. Kosesen Yesu ŋes komina,  
kotema atiar, Kiwolik adiopekirot: kolot, kog-  
wela lujjaatar kere, kokoranak lukican, ijaune-  
te moolo kabar kotoma akuj: kosodi kobu ko-  
tup eoŋ. Konyorididior ereeteke kanuka akirot  
kaŋin, kolot itururwei: naarai kejaas iboro  
luipu. —Marako 10:17-22

Ejai erot loemit etuŋanan bon ebe ejok, ko-  
nye osaneke kes irotin luka atwanare.

—Awaragasia 16:25

# SIRIKIŃALAS

SirikiŃalas; mam Edeke isekelio, naarai lue-  
yei ituŃanan, ŃupeŃul esaki da. —Igalatian 6:7

Idwe ludidik, kinyek ituŃanan aitapaar yes.  
Yeniswamai nukadolit erai yenedolit, kwape  
eraar Ńol loedolit. Yeniswamai adiakar erai ye-  
nika Satan, naarai ediakit Satan ameun kageu-  
net. —1 Yokana 3:7, 8i

Mam kereka ijenete ebe lumam edolito mam  
irumete ajakanut naka Edeke? SirikiŃalas; ka-  
raida idotea, karaida luemaete aputosia, karai-  
da lueeloko, karaida ikiliok luituluoros bala  
aŃor, karaida iketepak ikiliok, karaida ikoko-  
lak, karaida ikeranak, karaida ikamerak, karai-  
da ikamoromorok, karaida ikaŃatak, mam iru-  
mete ajakanut naka Edeke. —1 Ikorinton 6:9, 10

Kinyek ituŃanan aiŃalaŃal yes kakiro nuema-  
meete, naarai kanuka Ńun Ńes ebunokinia anyu-  
nyura naka Edeke odwe luiulaka. —Ipeson 5:6

Konye koraas ikeswamak akirot, kwabo mere  
ikeirarak bon, luimodas. —Yakob 1:22

Naarai arai ewomit idiotuŃanan ebe erai  
ibore, kwabo mam erai ibore, iŃala bon.

—Igalatian 6:3

# ARONIS EYANGAUNI ATWANARE

Kanuka nun kwape kelomunia adiakar akwapin kanuka etuņanan ediopet, kolom da atwanare kanuka adiakar, kwanin kodolok atwanare otuņa kere, naarai apotu kere kodiakasi. —Iromayon 5:12

Kosodi kepotuu eimiel euriei adiakar, adiakar nin da kepoloor idouni atwanare. —Yakob 1:15

Naarai aomit naka akuan nes atwanare, konye aomit naka Emoyo nes ajar ka ainapakin. Kanuka nun aomit naka akuan nes aitusurup Edeke; naarai mam enonokikinit ikisila luka Edeke, kwabo mam epedori anonokikin. —Iromayon 8:6, 7

Etau loeswamai aronis, nes etwani. Mam iko-ku ibwoki numam adolit nuka papake, kwabo mam papake ibwoki numam adolit nuka okoku-ke; ejaun adolit naka ikadoliton mamaken, ejaun da aronis naka ikaronon mamaken. —Esekiel 18:20

Ibusakinit alakar ka aiyalamikin, naarai onacekon nol abu kotwana, ajaru bobo; aoliorit, atakanu bobo. —Luka 15:32

Nol loiketakina kadolit edumuni ajar: Nol da loetupari aronis earakini bon. —Awaragasia 11:19

# ABU KRISTO KIPIKO ATWANARE

Loedakakinitai araut Okoku loka Edeke kapedor kwape ejaar Emoyo loka Alaunit, kanuka ajarun kokatwak. —Iromayon 1:4

Nakedaunia einer nun, kiworo keporoto loepol ebe, Lasaro, kolom. Kolom lokatwan, eenitai akanin ka akeje kigoen luka aida; eenitai akekonye da keitabala. Kotema Yesu kes atiar, Kolacasi nes, koosikis kolot. —Yokana 11:43, 44

Kikunyak kotiro ekirigi lokibwokitere, kobwout lukibwokito. Kotema atiar, Etelepat, katemari jo atiar, Konyou. Kiboikin lokatwan kogeu einer. —Luka 7:14, 15i

Kanuka na kamina Papa, naarai ejaikini akaijar, tetere alemuni bobo. Emamei itunanan yenikademari, konye ejaikini eoŋ elopet. Ejai eoŋ apedor naka aijaikin, ejai da apedor alemun bobo; adumunit aicorakinet na kama ejai Papaka. —Yokana 10:17, 18

Ido Lokajaran; abu katwanite, ido koany ajari ikar ka ikar, ajai kilaceta luka Atwanare ka luka Okatwak. —Apukokinio 1:18

# ICORAKINA LUK'EDEKE

Sirijaenena kicedekesio nabarai Eoŋ.

Sirikisub adiopot naegerer, karaida asima naka ibore kere yenejai kuju toma akuj, karaida yenejai kwap toma alup, karaida yenejai toma akipi nuejaas kwap kalup: Sirikikukonokin kes, karaida aijaanakin kes . . . .

Sirilimit atai ekiror loka EJAKAIT Ekonideke; naarai mam EJAKAIT isikai aitetelekar akirot, ŋin yenelimit atai ekekiror.

Koricite apaaran nakasabato, aitalaun ŋes, kwape kicorakinia jo EJAKAIT Ekonideke. Kitaaritoi apaarasia akanykape, kiswama akoniswamisisio kere: . . .

Koyonitenenei papakon ka totokon, kwape kicorakinia jo EJAKAIT Ekonideke . . . .

Siriarenenei.

Karaida adotenen.

Karaida akokoenen.

Karaida asabanakin ikoniidunyet.

Karaida aiŋobelenen aberu naka eidunyetekon; karaida eimiel etogo loka eidunyetekon, alupoke, arai ekekejaanakinan, arai akekejaa-nakinan, ekemoŋ, arai akesigiria, arai ibore kere yenerai yenika eidunyetekon. —Ikisila 5:7-21

# MAMU IPEDORI ANOPIKIN EDEKE

Naarai esesenete akekonye irotin luka itunanan, ido eanyuni alositoke kere. Emamei amuton, karaida etoribe loka atwanare, neepedoriata lukeswamak numam adolit aiņop.

—Yob 34:21, 22

Ebala EJAKAIT ebe, Epedori kereka itunanan aiņop kotoma aiboisio nukaiyeiyea komam eoņ apedori aanyun? Ebala EJAKAIT ebe, Mam tope eoņ eleleba akuj ka akwap? —Yeremia 23:24

Arai kadoka kuju, ijai ijo nen: Arai kapesik akaperit toma Okatwak, koany, ijai ijo nen da. . . Mam amuton kiņopikini jo, konye ecai akuare kwape kapaaran: eputos amuton ka aica kamakon.

—Isabulin 139:8 ka 12

Ejaas akonye nuka EJAKAIT ŋiniibois, Ireete aronis ka ajokis.

—Awaragasia 15:3

Kwabo emamei isubat yenimam etakani kakonyeneke, konye imujalalas iboro kere, ido ideleleete kakonyen nuka ŋol loejaas akirowok.

—Iburanian 4:13

Naarai emamei akirot naibwaitai, namam ikujunio, karaida naimunonitai namam ejenu-nio ka aikujunio.

—Luka 8:17

# AITICANIO NAMAMU EDAUNI NAKA KALUKADIAKANARAK

Ijukuni Okoku loka etuņanan ikemalaikan, etukonokinete kotoma ajakanutuke kere nuiti-guikinete kere, ka luiswamaete nukepali, eca-kakinete oupa loka akim; ejaun kaņina aimony ka airiamanakin ikel. —Matayo 13:41, 42

Eboņorete ikaronok Okatwak, kes atekerin kere nuemurwokis Edeke. —Isabulin 9:17

Konye iņadakinitali akuj ka akwap nukatine-nikwana akim, kanuka akirot kaņin, idaritere kiton apaaran naka atubokinio ka amudiaro naka ituņa lumam eyoņito Edeke. —2 Petero 3:7

Egelitikec ņes amudiaro naka ikar kere, enyounete kakonyen nuka Ejakait, ka aibuses naka agogoņuke da. —2 Isesalonikan 1:9

Arai kiidupo jo akonikan, arai akonikeju, ko-tubo, kocaka; ejok jo alomar toma aijar iņwalit arai icodo, itia acakakinio akim namam eduņei, ijaas kakanin aarei arai akeje aarei. —Matayo 18:8

Elosete ņul alomar toma aiticanio naka ikar kere, konye luedolito elosete toma aijar naka ikar kere. —Matayo 25:46



# EBUNIT ATUBOKINIO

Naarai abu kibwaik apaaran naebunio atubokin akwapin kadolit, kotuņanan loaseunit; ido itogogonit ņun mama ejaas ituņa kere, kanuka aitajarun ņes kokatwak. —Aswamisio 17:31

Ejeni Ejakait ayuun lueyoņito Edeke kotoma acodunio, ka aidar lumam edolito kiticanete kiton apaaran naka atubokinio. —2 Petero 2:9

Kana ņes apolooror amin nepepe kaoni, tete-re kija katitiņ kapaaran naka aitub akiro; naarai kwape eraar ņesi, kirai oni da kwaņin toma akwapin nu. —1 Yokana 4:17

Ido kwape itemokinitere ituņa atwanare irwan atipet, kosodi akaulo kaņin atubokinio. —Iburanian 9:27

Kopukoroi eceitabo da, loerai loka aijar. Kotubokinai lukatwak kotoma ņun kanuewadi-katai oitabon kwape kejaatar aswamisiokec. —Apukokinio 20:12ii

Naarai kibusakinit kere atakanun koiņaren keicolon loka aitub loka Kristo; kodum ņinituņanan nukiswamai akuanake, . . . arai nuejok arai nueroko. —2 Ikorinton 5:10

Aso do inera ņinituņanan kaoni akekiro ilopet kakonyen nuka Edeke. —Iromayon 14:12

# ASIANUT NAKA YESU KRISTO

Konye ainakinet mam eputos kaibucaret. Naarai arai apotu luipu kotwaka kanuka aibucaret naka ediopet, aitelekarit noi epoloor asianut naka Edeke ka ainakinet naejai toma asianut naka etuñanan ediopet Yesu Kristo, kanuka luipu. —Iromayon 5:15

Aso do mere kanuka loekot karaida loekeri, dimarai kanuka aitim naka Edeke.

—Iromayon 9:16

... Edeke luiwoñoko, konye einakini luitasonos asianut.

—1 Petero 5:5ii

Naarai ijenete asianut naka Ejakaitiwok Yesu Kristo, karaida kerai lokabaran, konye korau lokican kanukus, tetere kitabari yes kanuka icanike.

—2 Ikorinton 8:9

Kimalai Edeke kanuka ainakineteke namam epedorio aitejenun!

—2 Ikorinton 9:15

Konye nekiyatakinor adiakar, abu asianut kodepa noi noi, tetere kwape erumitor adiakar kotoma atwanare, kwape kwanin irumi asianut kanuka adolit kiton ajar naka ikar kere kanuka Yesu Kristo Ejakaitiwok. —Iromayon 5:20ii, 21

Kitejenut ikiyakia ajarun naka Ejakait Yesu kapedor naepol, kojai asianut naepol mamakec kere.

—Aswamisio 4:33

# AITORONIKINI

Mam abu Edeke kosenenei apakio nuka aolit, konye kwana icorakini ituna kere luejaas aiboisio kere aisilar. —Aswamisio 17:30

Katemari yes atiar, Mam; konye arai mam yes itoronikinos, imudiaros kere kwape kwana. —Luka 13:3

Ebala ebe, Kitoronikinos; naarai aapu ajakanut naka akuj. —Matayo 3:2

Kotema Petero atiar, Kitoronikinos, kibatisaunos, ninitunanan kayesi, kokiror loka Yesu Kristo, kanuka aisionio naka adiaakanaretakus; kiinakinio ainakinet naka Emoyo Lokalaunan. Aso do kitoronikinos, kibelokinos, komwatarai akusidiakanareta, tetere edolete apakio nuka aisikwarunio nuepote kama ejai Ejakait. —Aswamisio 2:38; 3:19

Kocakasi neelwana akusipaar kere nuipaarito. —Esekiel 18:31

Loibwai aibucaretake mam ekerianari: Konye nol loelimori kosodi aisac edumuni aitimio. —Awaragasia 28:13

Naarai aiturur mama ejai Edeke iswamai aitoronikin, kiton aitajario namam iitokin, konye aiturur naka akwap iswamai atwanare. —2 Ikorinton 7:10

# AISSIONIO NUKADIAKANARETA

Konye arai kibelokin yenikaronon kotoma aronisioke kere nueswamat, koric ikakisilaka kere, kiswama nuicorakinio nuibusakinito, abeit ejari, mam etwani. —Esekiel 18:21

Kojal ikaronon ekerot, yenimam adolit da akeomisio: Koboŋu mama ejai EJAKAIT, itimi ŋes; mama ejai Edekewok, naarai isionie noi. —Isaia 55:7

Naarai arai isioniete yesi luce akeceibucanareta, Papakus da lokotoma akuj kisionie yes. Konye arai mam yes isioniete luce akeceibucanareta, Papakus da mam kisionie yes akusiibucanareta. —Matayo 6:14

Nakeanyunia Yesu akeceiyuun, kotema lokasenyar atiar, Okokuka, esionii akonidiakanareta. —Marako 2:5

. . . kotoma otuŋanan kaŋol elimonokinio yes aissionio naka adiaakanareta; . . . Etopoloo Edeke ŋes kakanike nakoteten korau Lokapolon ka Eketajaran, koinak Isirael aitoronokin ka aissionio adiaakanareta. —Aswamisio 13:38b; 5:31

Koany, abwoi kokek ekuŋukuŋi; arai epupi ituŋanan kere ekaporoto, koŋaa da ekek, alomari mamakeŋ, amori nepepe kaŋes, ŋes da keoŋ. —Apukokinio 3:20

# ATIAKAKINI KEDE KAKWAPIN

Naarai atakanu asianut naka Edeke einunit ituna kere aitajario, kituutoori oni ebe, kanjeroto amamus ayonit Edeke, ka aingobel naka akwapin, kajarata kacoit, ka adolit, ka ayonit da Edeke, kotoma okar luka kwana. —Tito 2:11, 12

Koomoomoete nuejaas kuju, kwabo mere nuejaas akwap. —Ikolosain 3:2

Kwabo siridicasi kaswamisio numam eraete, nuka amuton, konye kitoronata kes.

—Ipeson 5:11

Siriminasi akwapin, karaida iboro luejaas toma akwapin. Arai emina itunanan akwapin, emamei amin naka Papa kotomaken. Naarai ibore kere yenejai toma akwapin, aingobel naka akuan, aingobel naka akonye, ka eitur da loka aijar kana, mam elomunete kaneejai Papa, dimarai elomunete kakwapin. —1 Yokana 2:15, 16

Yes anor nudotea, mam ijenete ebe aipaperokin kakwapin nes asurup ka Edeke? Aso itunanan kere yenekot araun ipapero yenika akwapin ituluor yenikasurup yenika Edeke.

—Yakob 4:4

Kilota, kitalaunos; kolemasi aronis naka aswamisiokus kakonyeneka; kinyeis aswam aronis.

—Isaia 1:16

# AURIO NAKITETE

Kainakinete etau lokitetet, ebwaikini emoyo lokitetet tomakus: ido alemuni etau lokamoru kawatekus, kainakinete etau loka akiriŋ.

—Esekiel 36:26

Arai ijenete ebe edolit ŋesi, kojenu ebe ŋin kere yeniswamai nukadolit ŋes eurit. . . . Kijeni ebe ŋin kere yeneurio kama ejai Edeke mam ediakari, konye loeurio kama ejai Edeke ericit ŋes, mam lokaronon etirori ŋes.

—1 Yokana 2:29; 5:18

Kanuka ŋun, arai ejai ituŋanan kotoma Kristo, arau isubat yenikitetet; atuboros nukolo; koany, araut nukitetiak.

—2 Ikorinton 5:17

Koboŋok Yesu kotema ŋes atiar, Abeit, abeit, katemari jo atiar, Arai mam ituŋanan eurio nakiareit, mam epedori aanyun ajakanut naka Edeke.

—Yokana 3:3

Konye aponi kilotar, konye aponi kitalaun, konye aponi kitojoki araut luidolito, kokiror loka Ejakait Yesu Kristo, kotoma Emoyo da loka Edekewok.

—1 Ikorinton 6:11ii

Naarai aponi kourii yes irwan nakiareit, mere kikinyom luebosete, dimarai kalumam ebosete, kanuka akirot naka Edeke naejari naeperonori.

—1 Petero 1:23

# ATWANARE KOTOMA ADIAKAR— AJARUN NEPEPE KA KRISTO

Ido kitajaru yes da, lukolo itwakito kanuka akusiibucanareta ka adiaakanareta da, . . . kito-nyou oni nepepe kaṅes, kisiboik oni nepepe kaṅes aiboisio nuka akuj kotoma Kristo Yesu.

—Ipeson 2:1 ka 6

Abu ṅesi elopet kibwok adiaakanaretawok kaku-  
kuanake kokitoyi, tetere nakidaunia atwanare  
kama ejaas adiaakanareta, kajarata mama ejai  
adolit. Imacarinike kes kitaṅaleunete yes.

—1 Petero 2:24

Aso arai kitajarunitai nepepe ka Kristo, ko-  
moenenete nuejaas kuju, neejai Kristo, iboie  
kakan nakoteten naka Edeke. Koomoomoete  
nuejaas kuju, kwabo mere nuejaas akwap. Naa-  
rai ipotu kotwaka, ibwaitai da akusiijar nepepe  
ka Kristo, toma Edeke.

—Ikolosain 3:1-3

Dul da lueraas luka Kristo Yesu apotu kibu-  
bukis akuan nepepe ka aiṅobelege ka eimielike  
da. Arai kijari kotoma Omoyo, kalosenenete da  
kotoma Omoyo.

—Igalatian 5:24, 25

Madi akuj! Oni lukitwaka kama kadiakar ki-  
kwaikini ai kirina kibusi kotomakeṅ? . . . Yes da  
kwape kwaṅin koomito bonik araut lukatwak  
kama ejai adiakar, konye ikajarak mama ejai  
Edeke kotoma Kristo Yesu. —Iromayon 6:2 ka 11

# AIJAR NAKA IKAR KERE

Naarai yeneyeikini akuanake, esaki aibos; konye yeneyeikini Emoyo, esaki aijar naka ikar kere. —Igalatian 6:8

Kwape kolo kikajakinia Musa emun kamodinj, ibusakinit Okoku loka etuņanan da aikajakinio kwape kwanin: tetere ŋinituņanan yeniyuuni ŋes kojaas kaijar naka ikar kere. —Yokana 3:14, 15

Aijar namam edaun ŋes na ebe, kojenuu jo Edeke ediopet lokabeit, ka Yesu Kristo lokijukuni. —Yokana 17:3

Yeniyuuni Okoku ejaas kaijar naka ikar kere; konye yenimam erima Okoku mam eanyuni aijar, konye esalakini ŋes anyunyura naka Edeke. —Yokana 3:36

Naarai eropit loka adiakar ŋes atwanare, konye ainakinet naka Edeke erai aijar naka ikar kere kotoma Kristo Yesu Ejakaitiwok. —Iromayon 6:23

Abeit, abeit, katemari yes atiar, Ŋin yeniirari akakirok ka aiyuun ŋol lokejukuni, ejaas kaijar naka ikar kere; kwabo mam elomari toma atubokinio, konye anyou kotoma atwanare aloma aijar. —Yokana 5:24



# AITIGOGONJO NAKA AITAJARIO

Emoyo elopet itejenikini imoyonowok ebe kirai idwe luka Edeke. —Iromayon 8:16

Yenejai Okoku, ejai da aijar; yenemamei Okoku loka Edeke emamei aijar. Kewadikak yes nu tetere ijenete ebe ejai yes aijar naka ikar kere, nul luyuunito ekiror loka Okoku loka Edeke. —1 Yokana 5:12, 13

Din yenejaas kakaicorakineta, koricite da kes, nin nes kamina eoŋ: nin da yenikamina eoŋ, eminuni Papaka, eoŋ da aminuni nes ka aitakanikin mamake. —Yokana 14:21

Eraun aswam naka adolit ainapakin; ido eyauni adolit aiyamakina ka aicasit ikar kere. —Isaia 32:17

Ido naarai iras odwe, abu Edeke kijuk Emoyo loka Okokuke otauonowok, loiworoi ebe, Abba, Papa! —Igalatian 4:6

Kana nes kijenunia ebe kisalit tomaken, ka nes da tomawok, naarai abu koinak oni nuka Emoyoke. —1 Yokana 4:13

# KRISTO NES EYAUNI AIYALAMA

Konye kwana abuni mamakon; enera akiro nu toma akwapin, tetere ejaunete kaiyalamaka naedolit kotomakec. —Yokana 17:13

Konye eoŋ kaanyuni yes bobo, elelete ikusi-tauon, emamei yenikidemari akusiilel. —Yokana 16:22ii

Naarai ajakanut naka Edeke mere ainyam ka aimat, dimarai adolit ka ainapakin ka aiyalama da kOmoyo Lokalaunan. —Iromayon 14:17

Kanuka ŋun ŋes iriseneneoto akipi kaiyala-ma kotoma atanin nuka aitajario. —Isaia 12:3

Aponi kebubukin nepepe ka Kristo; konye ajari, kwabo mere bobo eoŋ, konye ejari Kristo kotomakaŋ; aijar da naajaria kwana toma akuan, ajari toma aiyuun Okoku loka Edeke lokamina eoŋ, lokijaikin bon da kanukaŋ. —Igalatian 2:20

Kalimokis yes akiro ŋun tetere ejaun aiyala-maka tomakus, kitodolikinoi da aiyalamakus. —Yokana 15:11

Kitodianakini eoŋ erot loka aijar: neijai ijo ŋes aiyalama naitekoro; akanikon nakoteten ŋes ejaas nitalakarito ikar kere. —Isabulin 16:11

# IBUSAKINIT ARIMARIT EJAKAIT

Konye arai mam ipupenenete eporoto loka EJAKAIT, kipaliikis aicorakinet naka EJAKAIT, nes itusurupio akan naka EJAKAIT yes, kwape etusurupio kolo lukapapaakus. —1 Samuel 12:15

Mam kereka ijenete ebe loiijaikinos bonik arimar kwape ibulesin, iras do ibulesin luka ṅol kaloirimarito, arai adiakar naeyauni atwanare, arai bo arima naeyauni adolit? —Iromayon 6:16

Yes da luiticanio kisiyeṅunio nepepe kasio, kotoma apukorio naka Ejakait Yesu naebunio kotoma akuj nepepe ka imalaikan luka akepedor, kotoma akim naesarani, inyaṅi kama kaṅul lumam ejenete Edeke, ka ṅul da lumam erimarito Akiro Nukajokak nuka Ejakaitiwok Yesu. Egelitikec nes amudiaro naka ikar kere, enyounete kakonyen nuka Ejakait, ka aibuses naka agogoṅuke da. —2 Isesalonikan 1:7-9

Konye abu EJAKAIT kanyunyurik eoṅ kanukus, mam abu kapup eoṅ: katema EJAKAIT eoṅ atiar, Kililiṅ; sirikiner bobo keoṅ akirot ṅin. Kodoka ijo aidi naka Pisiga, kiteluo akonikonye to, ka agolitomei, ka eṅalakimak, ka kide, koany kakonyekon: naarai mam idokari Yorodan lo. Konye kodakak Yosua, kitogogoṅ nes, kiticat. —Ikisila 11:26-28i

# IBUS ALIMOR KRISTO

Ido kolimonori nininajep ebe Yesu Kristo nes Ejakait, kitopolooritete Edeke Papa.

—Ipilipin 2:11

Aso ninituñanan yenikalimori eoñ kakonyen nuka ituña, alimori eoñ da nes kakonyen nuka Papaka loejai toma akuj; konye nin yenikañeri eoñ kakonyen nuka ituña, añeri eoñ da nes kakonyen nuka Papaka loejai toma akuj.

—Matayo 10:32, 33

Naarai arai ilimori kaitukukon ebe Yesu nes Ejakait, iyuuni da kotaukon ebe abu Edeke kitajar nes kokatwak, kitajario. Naarai iyuuni ituñanan kotauke kiton adumun adolit, elimori da kaitukuke kiton adumun aitajario.

—Iromayon 10:9, 10

Nin kere yeneñeri Okoku, emamei nin Papa. Nin yenelimori Okoku ejai nes Papa da.

—1 Yokana 2:23

Naarai yenirumete ileic kanukañ, kanuka akakiro da, irumete ileic Okoku loka etuñanan da kanukeñ, naebunio kaibusesuke, ka naka Papa, ka naka imalaikan da lukalaunak.

—Luka 9:26

# SATAN—LOKASURUP WOK

Kinyeis amer, kokwenyenenete. Lokasurupikus Satan irimirimi kwape enatuny loegat, emoot yenyenyamari. —1 Petero 5:8

Abunore naka ɲol lokepali naiswamai Satan ejaun kapedor kere, kaanyuneta ka nukaumokin da nukenalak. —2 Isesalonikan 2:9

Aitwekenyun akecekonye, tetere ibelokinos ainyein amuton kosesenata aica, ainyein da apedor naka Satan kosesenata Edeke, kosodete adumun aisionio adiaakanareta, ka airumet kokidiɲ kaɲul kaluitalaunitai kanuka aiyuun naejai tomakaɲ. —Aswamisio 26:18

Kosodi Emoyo kitodoka Yesu amodiɲ tetere Satan ecoduni ɲes. Kosodi kotema Yesu atiar, Irwa, Satan; naarai iwadikatai ebe, Komaene-nei Ejakait Ekonideke, Kijaanakinenei ɲes bon. Kosodi kinye Satan ɲes; ido koany, kopotu imalaikan kijaanakis ɲes. —Matayo 4:1 ka 10, 11

Nukawasia, kojaas kagogoɲ toma Ejakait, kotoma ailerit naka agogoɲuke. Konapata lujiis kere luka Edeke, tetere ipedorete abwoikin ibotei luka Satan. —Ipeson 6:10, 11

# AIPIKOR SATAN

Aso naarai imorikikinete idwe aokot ka awat, abu nesi da elopet komor kakes ejautenekec, tere kanuka atwanareke emudiari nɔl loejai apedor naka atwanare, nes Satan.

—Iburanian 2:14

Yeniswamai adiakar erai yenika Satan, naarai ediakit Satan ameun kageunet. Kanuka nun nes etakanunia Okoku loka Edeke, tere emudiari aswamisio nuka Satan. —1 Yokana 3:8

Inai bo kitiaki oni kamin naka Kristo? Arai bo ican, arai aridakinio, arai areio, arai ebeli, arai amujalal, arai aronis, arai ekilen? Konye kotoma nun kere kipikori noi kanuka nɔl lokimina oni. —Iromayon 8:35 ka 37

Aso kononokikis Edeke. Kitepegata Satan, kikeri nesi da yes. Kikunyakis neejai Edeke, nes da ikunyuni mama ijaas. —Yakob 4:7, 8i

Kosodi konyet epukorio lokepali, eari Ejakait Yesu nes keiyenane loka aitukuke, ka amudiar da kotoma atakanun naka abunoreke. Abunore naka nɔl lokepali naiswamai Satan ejaun kapedor kere, kaanyuneta ka nukaumokin da nukenalak. —2 Isesalonikan 2:8, 9

# AMINA NES AITEMIO KALOK'EYUNAN

Arai kener kañajepa nuka ituña ka nuka ima-  
laikan, kwabo emamei eoñ amin, arai ibore ye-  
neruo arai aisinin nueros tai. —1 Ikorinton 13:1

Konye araito nuka Emoyo kes nupenu: amin,  
aiyalama, ainapakin, atitiñikin, asianut, ajokis,  
aiyuun, aiyapepera, aitikokina.

—Igalatian 5:22, 23i

Kolimok bobo nakiareit ebe, Simon, okoku lo-  
ka Yona, kimina eoñ? Kotema ñes atiar, Eebo,  
Ejakait, ijo ijeni ebe kamina. Kotema ñes atiar,  
Kipisenenei akamerekekin. —Yokana 21:16

Arai kiminas eoñ, iricete akaicorakineta.

—Yokana 14:15

Arai inera ituñanan ebe, Amin Edeke, kolaite  
da onaceke, erai ikeñalan. Naarai yenimam emi-  
na onaceke loeanyunit, mam epedori amin Ede-  
ke lomam eanyunit. —1 Yokana 4:20

Kanuka ñun ejenunete ituña kere ebe iraa  
yesi ikakesisiak, arai iminanaros bonik.

—Yokana 13:35

Kijeni oni ebe kipou kanyoutu katwanare  
alomar aijar, naarai kimina iinacan. Yenimam  
emin esalit toma atwanare. —1 Yokana 3:14

# AJARUN NAKA YESU KRISTO

Kirai isio ikajenak luka akiro kere nukiswamai nesi kakwap naka Iyudayan, koYerusalem da; koarata ɗol kaikajakin okitoi. Abu Edeke kitajaru ɗes kapaaran nakiwuniet, koinak ɗes aitodiario; mere kotuɗa kere, konye mamakosi luabu Edeke koseu sek araut ikajenak, luki-nyami ka aimat da nepepe kaɗes kedau ajarun kokatwak. —Aswamisio 10:39-41

Nakedaunia ajarun tupuruc apaaran nasodit nakasabato, kisiau aitakanikin Mariam Magdalene, nakolo kireɗeari ɗesi ajokin akanykaarei. —Marako 16:9

Ketuboros apaarasia akanykauni kojaas bobo ikekesisiak togo, kojai Tomas da nepepe kakes. Kegolol iekia konye kobu Yesu kobwo kokidiɗikec, kotema atiar, Kinapakinos. Kosodi kotema ɗesi Tomas atiar, Koyau ne ekonibokorit, koany akakanin; koyau da akonikan, kibwaik toma amaranaka; kwabo sirikiraun lomam iyuunit, dimarai loiyuunit. Koboɗok Tomas ebe, Ekajakait, Ekadeke da!

—Yokana 20:26-28

Lokeinakinio kanuka aibucanaretawok, kitajarunai da aitojok oni araun luedolito.

—Iromayon 4:25



# AJARUN WOKO NES AMUNO NAKAIBUSES

Sirikiwumokis akiro nu; naarai ebunit esawa, loirariata ituna kere luejaas toma atesin ekeporoto, elomunete; nul luiswamato nuejok mama ejai ajarun naka aijar; ka nul da luiswamato nueroko, mama ejai ajarun naka atubokinio.

—Yokana 5:28, 29

Arai bo mam ijenete ebe oni kere lukibatisatai kotoma Kristo Yesu, aponi kibatisai kotoma atwanareke? Aso aponi kidaai nepepe kanes kanuka aibatis kotoma atwanare, tetere kwape kitajarunere Kristo kokatwak kanuka aibuses naka Papa, kwape kwanin oni da kilosenenei kaijar nakitetet. Naarai arai kirotakinitali kanes kotoma aput naka atwanareke, kwape kwanin kirotakinio kotoma aput naka ajarunike.

—Iromayon 6:3-5

Konye arai ejai Kristo kotomakus, . . . konye ejarete ikusimoyon kanuka adolit. Konye arai iboie Emoyo loka nol lokitajaruni Yesu kokatwak kotomakus, nol lokitajaruni Kristo Yesu kokatwak einakini da akusiwat nuetwakete aijar kanuka Ekemoyo loiboie kotomakus.

—Iromayon 8:10, 11

# ALAUNIT KAMA EJAAI EJAKAIT

Ainakin oni ketajarunos kakan naka lukasurupowok, kejaanakis nes komam kikuriaka; kotoma alaunit ka adolit kakonyeneke apaarasia kere nuka aijarawok. —Luka 1:74, 75

Aso luminan, naarai kija kaisumuneta nun, keteseqaaros kotoma asilianut kere naka akuan ka naka emoyo da, ketodoloto alaunit kotoma ayonit Edeke. —2 Ikorinton 7:1

Abeit eoŋ ebatisai kakip kanuka aitoronikin: konye loebuni atupakin eoŋ ketelekarit eoŋ agogoŋ, mam kebusakinit akodit akemuk; kibatisai nol yes kEmoyo Lokalaunan, ka akim. —Matayo 3:11

Kwape kolo esiaunia Edeke Papa ajenun, kotoma aitalaunio naka Emoyo, kiton arimanut ka abwatakinio aokot nuka Yesu Kristo. —1 Petero 1:2i

Aso arai iteseqaar ituŋanan kaŋun, eraun ibore yenika aibuses, yenitalaunitai, yenibusakinit ejakait aitwasam, yenitemonokinitai niniswam naejok. —2 Timoteo 2:21

Konye kwape eraar lokinyarit yes loka-launan, koraut yesi da lukalaunak koponesio-kus kere. —1 Petero 1:15

# ALAUNIT KAMA EJAAI EJAKAIT

Kanuka nun Yesu da, abu korieba kokiņa kerate, tetere italauni ituņa kaokotoke elopet.

—Iburanian 13:12

Kwape abu koseunia oni kotomakeņ eriņa kesikina akwap, tetere kirauni oni lukalaunak, luemamei aitoronet da, kakonyeneke kotoma amin. Konapata da etuņanane lokitetet, lokesubio toma aput naka Edeke, toma adolit ka alaunit da naka abeit.

—Ipeson 1:4; 4:24

Ejaun da erot lokapolon kaņina, erot, emaikinio Erot loka alaunit; lumam elaete mam itorete nen; konye eraun loka kwi ikalotok, eebo, ibaņiok mam epaarete nen.

—Isaia 35:8

Arai kilimori adiaakanaretawok, erai ņesi lomunot ido loedolit, isioniei oni adiaakanareta, itesegari da oni kama kamamus adolit kere.

—1 Yokana 1:9

Aso naarai ecalaros iboro ņul kere kwaņin, ibusakinit yes ajaun biai kotoma oponesio lukaunak ka ayonit Edeke.

—2 Petero 3:11

Kotupata ainapakin nepepe kituņa kere, ka alaunite da, neemamea ņin emamei yeneanyuni Ejakait.

—Iburanian 12:14

# ITUNA LUILELEBA EMOYO

Aso arai yes lukaronok ijenete ainakin ikusi-dwe ainakineta nuejok, mam kereka itelekarit noi Papakus loejai toma akuj ainakin nul luilipete nes Emoyo Lokalaunan? —Luka 11:13

Nakedauniata ailip, kitamaranai aibois kama ketukonokina; kilelebunos kere Emoyo Lokalaunan, kinerata akirot naka Edeke katitiņ. —Aswamisio 4:31

Ebwaikini ekamoyo tomakus, ketoloto koki-silaka, ido iricete ikatubesia, kiswamata da. —Esekiel 36:27

Konye arai iboie Emoyo loka Edeke kotomakus, mam ijaas toma akuan dimarai toma Omoyo. Arai da emamei ituņanan Emoyo loka Kristo, mam nin erai yenike. —Iromayon 8:9

Konye idumunete agogoņ kedau Emoyo Lokalaunan adoikin yes; iraunete yesi ikakajenak. —Aswamisio 1:8i

Naarai kerai etuņanan loejok, loeleleba Emoyo Lokalaunan ka aiyuun. —Aswamisio 11:24i

Kilelebunos ikesisiak aiyalama ka Emoyo Lokalaunan. —Aswamisio 13:52

# AI SUMUNETA NUKAUMOKINI MAMA EJAAS IKIRISITAYON

Eapie EJAKAIT kaneejaas ṅul kere luebilil itauon, itajari ṅul luejaas emoyo loitoronikina.

—Isabulin 34:18

Naarai ebala EJAKAIT ebe, Akakan ṅes asubi ṅun kere, aso kwanin ejaunos iboro ṅul kere: Konye yen ṅes itunanan yenasesen i eoṅ, ṅin yenitasono, yenikemoyo loitoronikina, yenemara ni kakakiroto.

—Isaia 66:2

Kotema Yesu ṅes atiar, Arai ipedori! Epedorio kere kama ejai yeniyuunit.

—Marako 9:23

Luminan, siriwumokinete aitemio naka akim nakibunokinit yes, bala kidoik yes ibore yenikaumokin. Konye kiyalamasi naarai imorete aisiriebio naka Kristo, tetere naepukorere da akeibuses, iyalamas kail el naepol.

—1 Petero 4:12, 13

Emwatari akiyo kere kakonyenekec, mam bobo ejaun atwanare, karaida akuudian, karaida aimony, karaida ariebo, mam bobo ejaunos; naarai atuboros nusodit.

—Apukokinio 21:4

Komunonena EJAKAIT, kiswamaenenei nuejok; Kiboienenei kakwap, kotupenenei amunonut.

—Isabulin 37:3

# AISUMUNETA MAMA EJAAS LUECODUNIO

Aso naarai abu ŋesi da elopet korieba ecodunio, ŋes epedoria aiŋarakin ŋul luecodunio.

—Iburanian 2:18

Edeke da loka ainapakin idecideci Satan atipet kwap kakejenekus. —Iromayon 16:20i

Ipu aicaneta nuka ikadoliton: Konye eyuuni EJAKAIT ŋes kotoma kaŋun kere.

—Isabulin 34:19

Arai itori toma akipi, ajaenena kajo; to-ma ocorin, mam kiraparete: Arai itori toma akim, mam kinomori; mam eiriani akim kama ijai.

—Isaia 43:2

Kijeni ebe iswamaete iboro kere nepepe kanuka ajokis mama ejaas ŋul lueminasi Edeke, ŋes atemar ŋul lukenyaraunio kanuka alosikiniteke.

—Iromayon 8:28

Emamei acodunet nakidoikini yes, namam erai naka ituŋa kere. Konye erai Edeke lomunot, mam ejalakini yes acodunio adepar nuipedorete, konye nenipe kacodunet itemokini neekuianara, tetere ipedorete atitiŋikin.

—1 Ikorinton 10:13

# AI SUMUNETA KALUIPIKORETE

Nin yenipikori, etarauni ñes epir kotoma oye-  
kalu loka Edekeka; kwabo mam cut elomari ki-  
ña; eoñ da ewadikakini ñes ekiror loka Edeke-  
ka, ekiror da loka ere loka Edekeka, ñes Yeru-  
salem lokitetet loijesuni abunore kotoma akuj  
kama ka Edekeka, ekirorika da lokitetet.

—Apukokinio 3:12

Nin yenipikori itanapio kwanin inapen luka-  
kwanak, kwabo mam cut amwatari ekekiror  
koitabo loka aijar; eoñ da alimori ekekiror ka-  
konyen nuka Papaka, kakonyen da nuka  
imalaikanake.

—Apukokinio 3:5

Nin yenipikori, ainakini ñes aiboi nepepe  
keoñ oicoloñoka, kwape abu kepikoria keboikin  
nepepe ka Papaka oicoloñoke. —Apukokinio 3:21

Nin yenejai akit, kopup nuelimokini Emoyo  
ikanisan. Nin yenipikori ainakini ñes ainyam  
araito nuka ekitoi loka aijar, loejai Paradais lo-  
ka Edeke.

—Apukokinio 2:7

Yenipikori irumi ñun, araun eoñ Ekedeke, ñes  
da eraun okokuka.

—Apukokinio 21:7

# INERA EDEKE MAMAWOK KANUKA AIREŃ AJOR

Ecorakini luedukokina, kwabo mere eoŃ, dimarai Ejakait, ebe, kinyek aberu aisac okilenike. Konye arai esaci, kosal mam edukokina, arai bo kopuco kokilenike. Bobo da kinyek ekiliokit aireŃear akeberu. Irotakinio aberu kokilenike apak kere naejaria Ńol. Konye arai ketwana okilenike, eosikinitai adukokin loekot, konye toma Ejakait. —1 Ikorinton 7:10, 11, 39

Naarai eenito ikisila aberu naemanyitai eroko okilenike ejari; konye ketwana ekiliokit, eosikinitai Ńin kokisila luka okilenike. Kanuka Ńun enyarao naadote arai kedumun kecekiliokit, apak naeriŃar okilenike ejari. Konye arai ketwana okilenike, eosikinitai anyoun kokisila . . . . —Iromayon 7:2, 3

ŃolituŃanan loereŃeari akeberu komany ace adotear, Ńol da loemanyi nakireŃeari okilenike adotear. —Luka 16:18

Konye eoŃ katemari yes atiar, ŃolituŃanan loireŃeari akeberu, dimarai kanuka adotear, esidotea Ńin: Ńol da loemanyi ya naereŃearitai, adotear. —Matayo 5:32



# ABONGUN NAKIYARET NAKA KRISTO

Arai kalot eoŋ aitemokin yes aibois, aboŋuni bobo kesukunyu yes mamakaŋ, tetere neajai eoŋ ijaikinos yesi da nen. —Yokana 14:3

Abuni eoŋ atipet; kikum yenijaatar, kinye ituŋanan kere ayaŋaar abokokon. —Apukokinio 3:11

Naarai yenirumete ileic kanukaŋ kanuka aka-kiro da kotoma atur na naadote nakadiakana-ran, irumete ileic Okoku loka etuŋanan da kanukeŋ, naebunio rwaru kaibuses naka Papake nepepe kimalaikan lukalaunak. —Marako 8:38

Kosodi konyet etakanuni aanyunet naka Okoku loka etuŋanan kokuju; kosodete konyet ibworos atekerin kere nuka akwap, eanyunete Okoku loka etuŋanan ebuni kodouon luka akuj kapedor ka aibuses naepol. —Matayo 24:30

Kotitiŋonokinete yesi da, kiticata itauonokus, naarai eapie abunore naka Ejakait. —Yakob 5:8

Naarai kwape imiliaunia ageun kokide kotakani kiton to; ikoni nen abunore naka Okoku loka etuŋanan. —Matayo 24:27

# ABONGUN NAKIYARET NAKA KRISTO

Kobalas ebe, Yes ikiliok luko Galilaya, kanukinyo ibwoiata kosesenete akuj? Yesu ŋol, loayaŋaar kamakus alosit toma akuj, eboŋuni kopone kaŋope kaŋol loianyuniata ŋes elosi toma akuj.

—Aswamisio 1:11

Kosodi konyet eanyunete Okoku loka etuŋanan ebuni kodou kapedor ka aibuses naepol.

—Luka 21:27

Luminan, kirai kwana idwe luka Edeke, mam ber etakani kwape kiraunor, konye kijeni ebe naetakanunia ŋesi kiputori oni ŋes, naarai kianyuni ŋes kwape ejaar. Nin kere yenejai amun nin, italauna kwape eraar ŋol lokalaunan.

—1 Yokana 3:2, 3

Koany, abuni kwape ekokolan! Isirereŋitoi yenekwenyi, koricite ikenapen, kinyek alosit imujalal, kinyeis ituŋa da aanyun ileicike!

—Apukokinio 16:15

Yes da kokapakina; naarai ebuni Okoku loka etuŋanan kosawa lomam iwomito.

—Luka 12:40

Naarai ebuni rwaru Okoku loka etuŋanan nepepe kikemalaikan kotoma aibuses naka Papa-ke, kosodi etacakini ninituŋanan kwape ejaatar akeswamisio.

—Matayo 16:27

## **AKIROT NAKA EDEKE**

Edaunos akuj ka akwapin; konye akakiro mam edaunos cut. —Luka 21:33

Naarai emamei akirot nakedwaritai kakote naka ituḡanan, konye enerenenasi ituḡa nukepote kama ejai Edeke kodoikinite Emoyo Lokalaunan. —2 Petero 1:21

Ḑinikirot naiwadikatai naiyeḡakit Edeke ejai ajokis aisisianakinia, aikwenyaria, aitetenia, ai-tuutooria da toma adolit. —2 Timoteo 3:16

Akonikirot ḡes atala naka akejeka, aica da nakosokotoka. —Isabulin 119:105

## **KILIPA KISIONIETE**

Aso kilipenenete yesi kwanata: Papakosi loejai toma akuj, ekonikiror kitalaunai. Akonijakanut kobu. Nuikoto kiswamai kakwapin kwape iswamaere kotoma akuj. Koinakinai sio lolo ikosinyamat luka lolo. Kisionioi sio akosipesenin, kwape kisionio isio lukapesenini-kosi. Sirikiya sio toma acodunio, konye koyuunai kama ejai lokaronon. Naarai arai isioniete yesi luce akeceibucanareta, Papakus da lokotoma akuj kisionie yes. Konye arai mam yes isioniete luce akeceibucanareta, Papakus da mam kisionie yes akusiibucanareta. —Matayo 6:9-15

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**

**Nuitemonokit Watson Goodman**  
**Lotaai—Mere Logwelara**



Read booklets online or by App  
[www.wmp-readonline.org](http://www.wmp-readonline.org)